

**ZAVOD ZA JAVNO ZDRAVSTVO
TUZLANSKOG KANTONA**

Broj: 07-92-21/22

Datum: 22.07.2022. godine

Na osnovu člana 70. Zakona o javnim nabavkama Bosne i Hercegovine („Službeni glasnik BiH“ broj 39/14) VD direktora Zavoda donosi

ODLUKU

**o izboru najpovoljnijeg ponuđača u postupku javne nabavke vakcine i seruma
za Lot 3 Vakcina protiv sezonske gripe**

I

Prihvata se preporuka Komisije za javne nabavke broj 07-92-16/22 od 21.07.2022. godine i Ugovor o javnoj nabavci vakcina i seruma za Lot 3 Vakcina protiv sezonske gripe za potrebe Ugovornog organa dodjeljuje se ponuđaču „Pharma Maac“ d.o.o. Sarajevo sa ukupnom cijenom ponude od 113.139,00 KM sa PDV-om kao najpovoljnijem ponuđaču.

II

Ugovor o nabavci iz prethodnog člana ponudiće se izabranom ponuđaču u roku od 5 dana od dana dostavljanja ove Odluke.

III

Odluka stupa na snagu danom donošenja.

O b r a z l o ž e n j e

Zavod za javno zdravstvo Tuzlanskog kantona pokrenuo je otvoreni postupak javne nabavke vakcina i seruma, koji je objavljen na Portalu javnih nabavki pod na portalu javnih nabavki pod brojem 1247-1-1-123-3-10/22 dana 29.06.2022. godine i u „Službenom glasniku BiH“ br. 43/22 od 01.07.2022. godine, a na osnovu Odluke Ministarstva zdravstva Tuzlanskog kantona o utvrđivanju postupka i načina realizacije dijela programa imunizacije i imonoprofilakse u Tuzlanskom kantonu za sezonu 2022/2023. godina broj 13/1-33-9831-22 od 27.04.2022. godine, Odluke Upravnog odbora Zavoda zdravstvenog osiguranja Tuzlanskog kantona o izdvajanju sredstava za Program vakcina broj 01-04-3-12-7/22-EP/SA od 31.05.2022. godine i Odluke o pokretanju postupka javne nabavke vakcina i seruma Upravnog odbora Zavoda za javno zdravstvo Tuzlanskog kantona broj 02-696-1/22 od 28.06.2022. godine.

Za predmetni postupak predviđeno je provođenje e-aukcije. Tenderska dokumentacija je objavljena na portalu javnih nabavki i istu je preuzelo 7 potencijalnih ponuđača.

U roku za dostavljanje ponuda u predmetnom postupku, dana 07.07.2022. godine, jedan od potencijalnih ponuđača „Pharma Maac d.o.o. Sarajevo“ postavio je pitanje putem portala javnih nabavki na koji je dobio odgovor dana 08.07.2022. godine.

Nabavka vakcina i seruma je podijeljena u tri (3) lota i to:

Lot 1: Antirabična vakcina

Lot 2: Serum antiviperinum

Lot 3: Vakcina protiv sezonske gripe

U roku za prijem ponuda u otvorenom postupku javne nabavke vakcina i seruma za Lot 3 Vakcina protiv sezonske gripe zaprimljena je jedna ponuda i to ponuda ponuđača „Pharma Maac“ d.o.o. Sarajevo. Komisija je konstatovala da je zaprimljena ponuda blagovremena, ispravno zapečaćena i pristupila njenom otvaranju. Po završetku javnog otvaranja zaprimljene ponude Komisija je sačinila zapisnik, koji je, u skladu sa članom 63. stav (6) Zakona o javnim nabavkama BiH (Službeni glasnik BiH broj: 39/14), isti dan dostavljen ponuđaču putem fax-a.

Prilikom pregleda i ocjene pristigle ponude Komisija je konstatovala da je ponuda ponuđača „Pharma Maac“ d.o.o. Sarajevo dostavljena u ukupnom iznosu od 96.700,00 KM bez PDV-a odnosno 113.139,00 KM sa PDV-om kompletna i da ispunjava sve uslove postavljene tenderskom dokumentacijom.


Komisija je konstatovala da se, imajući u vidu da je primljena jedna prihvatljiva ponuda, e-aukcija, u skladu sa članom 3. stav (3) Pravilnika o uslovima i načinu korištenja e-aukcije (Službeni glasnik BiH broj 66/16), ne može zakazati, nego se postupak javne nabavke okončava u skladu sa članom 69. Zakona o javnim nabavkama (Službeni glasnik BiH broj 39/14) odnosno zaključenjem ugovora o javnoj nabavci.

Shodno navedenom Komisija je predložila da se ponuda ponuđača „Pharma Maac“ d.o.o. Sarajevo za Lot 3 Vakcina protiv sezonske gripe, u ukupnom iznosu od 96.700,00 KM bez PDV-a odnosno 113.139,00 KM sa PDV-om, te je donešena odluka kao u dispozitivu.

VD DIREKTORA

Sarihodžić dr Majda, spec. socijalne medicine

MA menadžmenta



Dostaviti:

1. Ponuđaču
2. a/a